



He arotake i te pūnaha tahua mō te utu ūrite i roto i ngā ratonga kōhungahunga whai raihana ā-mātauranga, ā-tiaki, ā-kāinga hoki - He whakarāpopoto o te tuhinga whiriwhiri

Kōrero whakataki

E whiriwhiri kōrero ana Te Tāhuhu i runga i tētahi marohitanga hei āwhina ki te whakatinana katoa i te utu ūrite mō ngā kaiako whai tiwhikete i ngā ratonga mātauranga me te tiaki (tae atu ki ngā ratonga ā-hōhipera me ngā ratonga mātauranga me te tiaki waimori) ki ū ngā kaiako kei ngā kura pūhou. Ko tētahi wāhangā o te marohitanga e kapi ana hoki i te utu mō ngā kairuruku i roto i ngā ratonga ā-kāinga.

I raro i te pūnaha tahua o nāianei, ka rerekē ngā pūtea āwhina mō ngā ratonga mātauranga me te tiaki, i runga i te āhua o te taetae ā-tamariki me te pānga riterite o ngā kaiako whai tiwhikete ka whakamahia ki te whakaako tamariki. Nō nā tata nei, i taea e ngā ratonga te kōwhiri ki te kuhu ki ngā pāpātanga utu ūrite nui ake, ina oati rātou ki te utu i ngā kaiako ki ngā pāpātanga utu kua tautapatia, i runga anō i te utu i roto i te Whakaaetanga Tōpūtanga Kaiako Pūhou me ngā Kaiako Matua (KTCA).

E noho tauārai ana te pūnaha o nāianei ki te putanga katoa o te utu ūrite. I pēnei ai i te mea kāore ngā pāpātanga tahua ā-hāora 'utu kotahi' e urupare ki ngā huringa o te utu kaiako toharite i tētahi ratonga kotahi. Ko te tikanga o tēnei ka whiwhi ētahi ratonga i te pūtea nui ake mai i ngā pāpātanga tahua utu ūrite, i tērā e tika ana ki te utu ā-tau kaiako, ā, ko ētahi, e kore e whiwhi i te utu rawaka.

Te Arotakenga o te Tahua mō te Utu ūrite

Te kaupapa me te hōkaitanga o te Arotake

Nā te Minita Mātauranga o mua i tohutohu i te Tāhuhu o te Mātauranga kia whāia he arotakenga o te tahua hei *tautuhi me te whakatinana i tētahi huarahi mariu ake kia hāngai ake ai te tahua o ngā ratonga mātauranga me te tiaki ki ngā utu ā-tau o ā rātou kaiako whai tiwhikete*.

Ko te hōkaitanga o tēnei Arotake e kapi ana i ngā ratonga mātauranga me te tiaki me ngā ratonga ā-kāinga.

Ngā mātāpono taketake o te Arotake


Ka whai whakaaro te Arotake ki ngā mātāpono taketake me ngā tautuhinga o te pūnaha tahua ako kōhungahunga whānui. Ko ngā tauira o ēnei mātāpuna, arā: ka tohaina te utu o te ako kōhungahunga e te kāwanatanga me ngā mātua, ka hono ngā tahua ki ngā ūwehenga kua waecturehia, ka kōkiritia ngā pūtea i ngā taetae ā-hāora o ngā tamariki, ā, ka puritia hoki ngā tepenga hāora ka utua ā-wiki, ā-rā hoki o te wā nei.

Kua whakaawetia hoki te marohitanga i whakaaturia e ngā tautuhinga utu ūrite motuhake. Ka uru ki tēnei, arā: kia kapi i te tohanga anō o te tahua te tahua pūtea āwhina matua o nāianei (Pūtea āwhina ECE me te Pūtea āwhina 20 Hāora), tāpiri ētahi tahua anamata ka kitea hei whakaea i te āputa tahua utu ūrite, me te pānga o ngā pāpātanga utu ūrite ki ngā hāora katoa e mahi nei ngā kaiako, kua ki ngā hāora e utua ana e te kāwanatanga anake.

Te marohitanga - Ngā ratonga mātauranga me te tiaki

Kei roto i te marohitanga te whakahou i ngā pūtea āwhina ako kōhungahunga e rua o te wā nei mō ngā ratonga mātauranga me te tiaki (te Pūtea Āwhina Tahua ECE me te 20 Hāora ECE) ki ētahi pūtea āwhina hou e rua:

- He **Pūtea Āwhina Utu ā-Kaiako (TSS)**: he pūtea āwhina, otirā i poua whānuitia te nui o te pūtea ki tētahi whiwinka o ngā kaiako whai tiwhikete wā tūturu ōrite (FTTE) ka tohaina ki ia ratonga me te toharite o te utu ā-kaiako i ia ratonga. Ka taea anake te whakapau i tēnei pūtea āwhina ki nga utu kaiako.
- He **Pūtea Āwhina ā-Whakahaere (OS)**: he pūtea āwhina ka utua i ngā pāpātanga tūmau ki ia hāora ā-tamaiti.



Huāngā 1: Te tātai i te whiwinka FTTE mō te Pūtea Āwhina Utu ā-Kaiako (e hia rānei ngā kaiako ka whai wāhi ake)

Ko te mahi tuatahi hei whakatau i te TSS mō ia ratonga ko te tātai he aha tana whiwinka FTTE kaiako whai tiwhikete. E tono ana mātou ka taea te tātai i tēnei whiwinka mō ia ratonga i runga i te:

- FCH i Matapaetanga**: Ko te matapaetanga o ngā hāora utu ā-tamaiti (FCH) hei te wā tuku pūtea e whā marama.
- Ōwehenga whiwinka**: He tau tūmau tēnei o ngā tamariki ki ia kaiako whai tiwhikete i tētahi wā. Ko te pai ake o te ōwehenga i whakamahia, te maha ake o ngā kaiako ka whai wāhi ki te whiwinka FTTE mō te maha ōrite o aua FCH. Ko te tikanga o te whakatau i tētahi ōwehenga ahuwhānui mō te TSS, ka taurite te tiaki i ngā ratonga.

Ētahi tūpono taumata hei tautuhī i te ōwehenga Whiwinka

Ki ū mātou whakaaro, ka taea te tautuhī i te ōwehenga ki tētahi o ngā kōwhiringa e rua. Ka tīmata ēnei ki te ōwehenga pakeke-ki-te-tamaiti hei wāhi tīmata, engari ka pā anake ki ngā kaiako whai tiwhikete, kaua ko ngā pākeke.

Kōwhiringa A: He tikanga 'mōkito ā-ture', e whakauru ana i ngā tamötanga me ngā whakangā ā-ture mō ia FTTE. Mā tēnei e puta ai te ōwehenga o ngā pākeke 1.232 ki ngā tamariki e 5, 10 rānei (kei runga anō i te whakarōpūtanga i raro i te 2 tau / i tua i te 2 tau).

Kōwhiringa A: Kei roto ngā rā me ngā wā whakata me ngā rā tamötanga

Under 2s	I tua i te 2 tau
1.232 :5 	1.232 :10

Kōwhiringa B: he ōwehenga kei tua noa i te 1.232 pākeke ki taua āhua anō o te maha o ngā tamariki. Ka tīmata tēnei kōwhiringa ki te whai whakaaro ki ngā utu o ngā kōwhiringa kōwhiti (hei tauira, ngā hāora pānga-kore me te whakarite mahi kia neke atu i te wā mōkito, e tutuki ai ngā ōwehenga ā-waeture).

Huānga 2: Te tātai i te tahua kaiwhakahaere mō te Pūtea Āwhina Utu Kaiako

Kei roto i ngā pāpātanga tahua utu ōrite o nāianei ēnei tūranga ā-whakahaere e whai ake nei. I poua ēnei i runga i ngā tūranga ā-whakahaere 'K2-K4' kei roto i te KTCA.

- K2 - he tūranga whakahaere matua i tētahi ratonga, ā, ehara i te kaiako K3, te K4 rānei (arā, kaiwhakahaere ratonga).
- K3 - e whai tūranga ana ki te kawe i tētahi tūranga tautoko ngaio, kaiārahi, kaiwhakahaere rānei. Nōu te haepapa mō te whakahaere i ngā kaimahi K2.
- K4 - ka whai tūranga e haepapa ana mō te whakahaere i ngā kaimahi K3.

E rua ngā kōwhiringa kei roto i te marohitanga hei utu i ngā tūranga whakahaere, kaihautū hoki:

Kōwhiringa A : Te kōwhiringa K2-K4. I tēnei kōwhiringa, ka whakamana ngā ratonga mātauranga me te tiaki i ngā kaiako whai tiwhikete kei ngā tūranga whakahaere i ngā pae utu K2, K3, K4 hoki i roto i te KTCA. Ka tātaitia tētahi whiwhinga FTTE ā-whakahaere hei whakatau e hia ngā FTTE mō ia tūranga e utua ana mā te ūwehenga ā-whakahaere.

Te whakatau i te ūwehenga ā-whakahaere

Tērā pea ka taea te whakatau i te ūwehenga whiwhinga ā-whakahaere kei te Kōwhiringa A, pērā ki ō te tūtohi i raro nei. Ko te tūranga tamaiti ka utua, he ine whiwhi pūtea hou hei āwhina me tēnei ūwehenga hou, otirā e tautuhia ana ko te 75,000 hāora tamariki i ia tau ka utua. Ko ngā kaiwhakarato e whai ana i ngā ratonga maha ka māraurau ake ki te pūtea K3 me te K4.

Pae utu ā-whakahaere	Ūwehenga
K2	1:50 (FTTE ā-whakahaere ki ngā tūranga tamariki e utua ana)
K3	1:300 (FTTE ā-whakahaere ki ngā tūranga tamariki e utua ana)
K4	1:6 (ūwehenga K4 ki te K3)

Kōwhiringa B: Ko te K2 me te kōwhiringa tahua ā-whakahaere. I tēnei kōwhiringa, ka tohaina ki ia ratonga mātauranga me te tiaki, tētahi tūranga i te K2, ka utua ki tētahi pāpātanga utu K2 kua whakarhitia. Hei tāpiri ake, ka hangaia he tahua ā-whakahaere e utu ana i ngā ratonga ki tētahi pāpātanga kua tau kē, mō ia FCH, ā, ka pīngore anō i runga i te nui o ngā FCH i ia wāhanga whiwhi pūtea. Kāore tēnei whiwhinga pūtea e utua hei tāpiritanga utu tūmau, engari, he pūtea ka rerekē te pānga, puta noa ki ngā kaiako whai tiwhikete e whai ana i ngā tūranga ā-whakahaere.

Huānga 3: Te whakatau i te tahua ka whakaratoa mā te TSS

I muri i te tātai i ngā Huānga 1 me te 2 mō tētahi ratonga, e tono ana mātou me whai te tahua Kāwanatanga mō te TSS i ia wāhā marama, i ēnei hātepe.

- Hātepe1. **Te whakaputa i tētahi utu toharite (i runga i ngā pāpātanga utu KCTA) mō te FTTE kaiako i roto i te ratonga mō tētahi wā.**
- Hātepe2. **He whakataurite i te whiwhinga FTTE ki te FTTE ake kei taua ratonga. Koinei te āhua o te tātai i te ūrau o ngā kaiako whai tiwhikete kei tētahi ratonga.**
- Hātepe3. **He urutau i te maha o ngā FTTE hei whakaata i ngā hāora tamariki¹ utu-hangere (i te mea ko tētahi wāhanga anake o te utu whakarato ka utua mō ngā hāora Pūtea Āwhina ECE i te wā nei). Ka whakamahi tēnei i tētahi pānga riterite kua tau kē, hei whakaata i te taumata o te utu-hangere.**
- Hātepe4. **Mā te whakarea i te whiwhinga FTTE, tae atu ki ngā FTTE urutau, mā te utu toharite kaiako i tātaitia i ngā hātepe i runga, hei whakaputa i te wāhanga kaiako kaiwhakahaere-kore o te TSS.**
- Hātepe5. **Te whakatau i ngā pūtea ā-whakahaere (tirohia te Huānga 2). Ka whakaheke ake hoki te tahua ā-whakahaere hei whakaata i ngā hāora tamariki utu-hangere, rite ki te tikanga kei te Hātepe 3.**

¹ Ko ngā hāora utu-hangere o te wā nei, he hāora Pūtea Āwhina ECE - e āwhiwhitia ana ēnei hei utu-hangere noa i te whakarotonga ECE e te kāwanatanga. Ko ngā hāora tamariki utu-katoa, ko aua hāora ka utua e te Pūtea Āwhina ECE 20 Hāora.

Ko te tahua TSS ka 'whakatikatikahia' i te mutunga o te wā tuku pūtea, e whai whakaarotia ai ngā rerekētanga i waenga i te tahua ake, me te tahua i matapaetia tōmuatia. Ko te tikanga ōrite tēnei ka whakamahia ki te urutau i ngā pūtea āwhina ako kōhungahunga utu tōmua o nāianei.

Me pēhea te whakatau i te utu toharite ka whakamahia i te tātaitanga TSS a te ratonga? (Hātepe 1)

Ko te hiahia o te Hātepe 1 i runga, ko tētahi utu toharite (i poua ki ngā pāpātanga utu KTCA) mō ia ratonga. E rapu ana te marohitanga i ētahi kōrero whakahoki mō ngā tūpono tikanga e rua mō te whakatau i te utu toharite:

1. Te toharite i te utu o ngā kaiako whai tiwhikete katoa i te ratonga, hei te wā whā marama. Ka uaratia tēnei i runga i te FTTE o ia kaiako whai tūranga.
2. He whakarite kia āhei ia ratonga ki te kōwhiri ko tēhea o āna FTTE kaiako ka utua, atu ki te whiwhinga TSS. Kei ia ratonga te tikanga kia hia te FTTE o ia kaiako ka whakaurua ake.

Ka pēhea te whakahāngai i te FTTE ā-kaiako, atu ki te whiwhinga FTTE? (Hātepe 2)

Kei te rapu kōrero whakahoki tenei marohitanga ki ngā tūpono tikanga e rua o te whakatau i te āhua o te whakamahi a te ratonga i tana whiwhinga FTTE - ko te wāhanga tēnei e titiro ana ki te pānga riterite o ngā kaiako whai tiwhikete (rite ki ngā whakarōpūtanga kaiako whai tiwhikete kei te pūnaha o te wā nei):

1. Whakamahia te tapeke o ngā FTTE kaiako whai tūranga puta noa i te wā utu e hiahiatia ana mō ngā pāpātanga waeture puta noa i ngā hāora tamariki whai utu, utu-kore rānei.
2. Whakamahia ngā ture 'tatau hāora kaimahi' o te wā nei hei whakahāngai i ngā hāora kaiako ki ngā hāora tamariki – ka tatauria e tēnei tukanga ngā kaiako whai tiwhikete e whakamahia ana i ngā wā auau, tēnā i te kōwhiringa tuatahi. Ko tā tēnei kōwhiringa, e whakamahi nui ake, ā, paku nei, i ngā FTTE whai tūranga, hei whakapau i te whiwhinga FTTE.

Te pānga riterite o te tahua tūmatanui mō ngā hāora utu-hangere (Hātepe 3 me te 5)

Ko te hātepe 3 i roto i te tukanga tahua TSS e whakaheke ana i te whiwhinga FTTE mā te whakamahi i tētahi pānga riterite. Ka whakaata tēnei pānga riterite i te tāpaetanga ā-kāwanatanga, ā-tūmatanui rānei ki ngā hāora utu-hangere. I konei tonu taua pānga riterite hei mātāpono, engari kāore i tau noa tētahi ūrāu pū. Ko te nui o tēnei pānga riterite ka whakatauhia, ka whai pānga ki te wāwāhitanga o ngā tahua katoa ki te TSS me te OS. Ko te tapeke o te tahua ki ngā ratonga katoa ka noho ōrite tonu i te mea ko te matapae paepito tēnei o te marohitanga. E whiwhiri kōrero ana mātou mō ngā huarahi e rua o te whakatinana i tētahi tāpaetanga tūmatanui.

Kōwhiringa A: He pānga riterite kāwanatanga tūmau ki ngā utu hāora utu-hangere. E marohi ana mātou kia whakatauria te pānga riterite ki te 80% me te 20% tūmataiti (hei tauira, ngā utu mātua).

Kōwhiringa B: Te ū ki tētahi tāpaetanga tūmataiti motuhake ahakoa te utu o te kaiako. Kei roto i tēnei kōwhiringa te whakaū i te tāpaetanga tūmataiti motuhake, ahakoa te taumata utu toharite i te ratonga. Ko te tikanga o tēnei, hei tauira, mēnā ko te utu o te utu ā-kaiako i te ratonga he \$10 i te hāora, tērā pea ka tāpae te kāwanatanga i te \$8, ā, ka tāpae te ratonga i te \$2.

Mēnā i piki te utu toharite kaiako a te ratonga ki te \$20 i te hāora, ahakoa e noho ōrite tonu ana tana whiwhinga FTTE, ka utu te kāwanatanga i te \$18, ā, ka tāpae tonu te ratonga i te \$2.

Ngā Hāora Tamariki kāore i utua	Ngā Hāora Tamariki Utu-Hangere	Ngā Hāora Tamariki Ka Utua Katoatia
Ka utua e: Ngā Moni Tūmataiti	Ka utua e: Ngā Moni Tūmataiti me te Pūtea Āwhina ECE	Kua utua e: Te Pūtea Āwhina ECE 20 Hāora
<p style="text-align: center;">Whakatauhia te tāpaetanga tahua tūmatanui mō ngā hāora utu-hangere hei tātai i te TTS: ____%</p>		


Huānga 4: Te tātai i te Pūtea Āwhina ā-Whakahaere

Ka waiho tēnei marohitanga i te OS hei tāpaetanga mō ngā utu kē a ngā ratonga mātauranga me te tiaki. Ka utua hei pāpātanga ā-hāora tūmau mō ngā ratonga katoa. Ka raungāwari tonu te noho o ngā ratonga ki te whakamahi i te pūtea OS.

Kei te āhua tonu o te tapeke o te TSS e hiahiatia ana mō ngā ratonga katoa te tikanga o te pāpātanga OS. I pēnei ai i te mea ka tātaitia te tahua pūnaha katoa mō te TSS i te tuatahi, ā, ko te toenga ka tātaitia mō ngā pāpātanga OS. Ina ka whakatauhia ngā tautuhinga TSS i kōrerotia i mua kia rite ai mō tētahi TSS nui ake, me iti ake te pāpātanga tahua OS ka whakatauhia, i tērā ka hua ake mehemea i iti ake te TSS.

Te tango i te rerekētanga o te 'I raro i te 2 tau' me te 'pakeke ake i te 2 tau'

Kāore he rerekētanga o te 'I raro i te rua tau' me te 'pakeke ake i te rua tau' o ngā pāpātanga OS. He mea whakauru te rerekētanga o te pūtea o ēnei pāpātanga e rua i te pūnaha o te wā nei, hei whakaata i ngā rerekētanga o te utu o ngā kaiako whai tiwhikete mō ngā ratonga, nā runga i ngā ūwehenga waeture rerekē mō ia rōpū taipakeke. Ka whai whakaaro te TSS ki ngā utu kaiako rerekē e pā ana ki ngā ūwehenga rerekē (arā, te rerekē o te maha o ngā kaiako ki ia rōpū taipakeke). Mā tēnei ka taea te whakapuaki i te OS hei pāpātanga utu-katoa anake me te pāpātanga utu-hangere.



Ngā pānga ki te tahua ratonga nā te pūnaha hou e marohitia ana

Ka whakarerekē tēnei huarahi hou i te toharite o te tahua ratonga a te kāwanatanga mō ia FCH - i ētahi wā ka iti ake te toharite tahua mō ia hāora ki te ratonga, tēnā ki tērā kei raro i te pūnaha o te wā nei. Me urutau pea ēnei ratonga i te anga whakahaere hei whakahaere i tēnei huringa. Ko tā te huarahi hou, i te taha o ngā herenga utu ōrite, he whakawhāiti ake i te raungāwari o ngā ratonga ki te whakapau i te tahua katoa, i te mea me haere te TSS ki te utu i ngā utu ā-tau o ngā kaiako. Hei tauira, ko te tikanga o tēnei, me whai whakaaro ngā ratonga e mahi ana i tua ake o ngā taumata ūwehenga pūtea o ngā kaiako ki te whakaiti i te nui o ngā kaimahi, ki te kimi pūtea i waho ake o te TSS rānei.

Marohitanga – Ngā ratonga ā-kāinga

E whakatakoto ana tēnei tuhinga whiriwhiri kōrero i ētahi tūpono kōwhiringa e rua e whai wāhi ana ki te whakapai ake i te utu ki ngā kairuruku ā-kāinga.

Ko te huarahi tuatahi (Kōwhiringa A) he wehewehe, kātahi ka toha anō i ētahi o ngā pūtea āwhina ako kōhungahunga o nāianei mō ngā ratonga ā-kāinga, mā tētahi pūtea āwhina utu kairuruku hou (CSS). He ūrite tēnei ki te huarahi o te TSS mō ngā ratonga mātauranga me te tiaki. Ka taea anake te whakapau i te CSS ki ngā utu kairuruku. E marohi ana mātou i te ūwehenga o te kotahi (FTE) kairuruku wā-katoa ki te 50 tūranga tamariki ka utua (rite ki te 75,000 FCH i ia tau). Ko te tikanga o tēnei ka pīngore te CSS ki te FCH – ka whiwhi tētahi ratonga iti iho i te 75,000 FCH i te tahua mō tētahi pānga riterite noa o te FTE.

Ko te huarahi tuarua (Kōwhiringa B) he whakapiki whānui i ngā pūtea āwhina o te wā nei hei whakaata i te pikina utu o ngā kairuruku. Tērā pea he ka taea tēnei huarahi i te mea kotahi te pae utu ā-tau mō ngā kairuruku, e whakawhāiti ana i te rerekētanga o ngā utu a ngā kairuruku i waenganui i ngā ratonga. Pērā ki te huarahi tuatahi, kei runga i te āhua o te FCH te nui o te tahua.

He aha te pae utu mōkiti rawa hei utu i ngā kairuruku?

I raro i te Kōwhiringa A, e toru ngā momo kōwhiringa mō te whakatau i te pae utu mōkiti hei utu mā ngā ratonga i ngā kairuruku. E whakaata ana tēnei i ngā haepapa kaihautū, kaitirotiro hoki o ngā kairuruku. Anei aua mea:

1. Pae "K2" mai i te KTCA
2. He pae tūmau i raro paku i te "K2" engari he teitei ake i te Pae 11 o te "K1", te pāpātanga taketake o ngā kaiako mai i te KTCA
3. He pae tūmau kei te Pae 11 o te "K1" pāpātanga taketake o ngā kaiako mai i te KTCA

Ka utua ēnei pāpātanga ahakoa ngā tohu, ngā wheako rānei o te tangata. Ka nui ake te tahua CSS mō te kōwhiringa nui rawa te utu (kōwhiringa 1), whai muri ko ngā kōwhiringa 2 me te 3.

Me pēhea te whakahaere i ngā hāora noho rite?

E hiahia ana ō whakaaro ki te nui o ngā wā e noho rite ana ngā kairuruku, ā, me te āhua o te utu a ngā ratonga i ngā kairuruku i te wā e noho rite ana rātou. Mā tēnei e āwhina ki te whakatau mēnā ka whakaurua ki te CSS he wāhangā iti e whai wāhi ai ngā utu noho rite.

Me uru ki te whiwhinga FTE kairuruku ngā kaiwhakahaere o ngā kairuruku?

Tērā pea ka whai wāhi hoki ngā kaiwhakahaere o ngā kairuruku i roto i ngā ratonga ā-kāinga, ki te utu ūrite. Ka noho ko tēnei tētahi atu pae utu ā-whakahaere, kāore e whirinaki ana ki ngā tohu, ki ngā wheako rānei. Ko tō mātou tirohanga, i te mea kei te ratonga te tikanga mō aua momo tūranga, ā, kāore i tino hāngai ki ngā tūranga whakahaere kura pūhou teitei ake, kāore ēnei e whiwhi tohanga tahua motuhake mai i te paepito.

Me pēhea te tuku i ō whakaaro

Me āta pānui koe i te tuhinga whiriwhiri katoa i mua o te tuku whakaaro mō ngā marohitanga. Kei roto ētahi atu taipitopito me ngā whakamārama kāore i roto i tēnei whakarāpopototanga.

Hei tuku kōrero whakahoki mō ngā marohitanga, ka taea e koe te whakakī i tētahi uiui tuihono ki <https://conversation.education.govt.nz/conversations/early-learning-pay-parity-funding-review>.

Ka taea hoki e koe te tuku i tētahi tono ā-tuhi, āmiki ake, ki:

ECE.PayParity@education.govt.nz

ki konei rānei

ECE Pay Parity
Ministry of Education | Te Tāhuhu o te Mātauranga
Pouaka Poutāpetā 1666
Te Whanganui-a-Tara 6140

Me tae ngā kōrero whakahoki ki Te Tāhuhu i mua i te 11.59pm ā te 23 Mei 2023.

He taipitopito anō mō ēnei marohitanga kei roto i te tuhinga whiriwhiri whānui.